



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

15 Marsu 2013

Tribunal Distrital Baucau kondena arguidu ba kazu omisídiu agravadu ba 15 prizaun

Iha 14 Marsu 2013 Tribunál Distritál Baucau halo audiénsia julgamentu ho agenda leitura akordaun ba kazu omisídiu agravadu ne'ebé involve arguidu Ildefonso Guterres hasoru vítima Mariano Ximenes. Kazu ne'e rejista iha tribunál ho Númeru Prosesu 170/Crm.C/2012/TDB, ne'ebé akontese iha 23 Agostu 2012 iha Osogori, Venilale Baucau.

Pena ne'ebé tribunál atribui ba kazu ne'e equilibriu ho krime ne'ebé arguidu komete tanba hasoru nia maun rasik, JSMP hein katak desizaun ne'e bele sai hanesan lisaun ba ema hotu iha futuru, dehan Direktór Eksekutivu JSMP, Luis de Oliveira Sampaio

Ministériu Públiku akuza arguidu nu'udar autór materiál ba kazu krime omisídiu simples ne'ebé prevee iha artigu 138 Kódigu Penál konjuga krime omisídiu agravadu ne'ebé prevee iha artigu 139.(g) Kódigu Penál.

Tribunál prova katak arguidu deskonfia vítima mak foti arguidu nia sigaru masu ida ne'ebé lakon, arguidu mós deskuti malu ho vítima no foti au pedasuk ida baku iha vítima nia ulun hodi nune'é vítima nia oin halai no monu ba rai. Wainhira vítima monu ba iha rai arguidu kontinua hiit fatuk boot ida tuda ba iha vítima nia ulun.

Arguidu nia hahalok ne'e kauza vítima sofre kanek boot iha ulun, ran sai maka'as no halo vítima mate iha fatin akontesimentu.

Bazeia ba faktu provadu hirak ne'e no sirkumstânsia sira ne'ebé asociadu ho prosesu ne'e, tribunál konklui hodi kondena arguidu ho pena prizaun tinan 15.

Audiénsia julgamentu ba kazu ne'e prejide husi juis singulár Dr. José Gonçalves, Ministériu Públiku reprezenta husi Dr. Pascasio de Rosa Alves no arguidu hetan akompañamentu husi nia defeza Dr. Gregório de Lima.

Atu hetan informasaun kle'an, favor kontaktu:

Luis de Oliveira Sampaio
Director ezeutivu JSMP
Email: luis@jsmp.minihub.org
Landline: +670 3323883/77295795